

Ո Ր Ո Շ ՈՒ Մ

Ճանապարհային ոստիկանության վարչական իրավախախտման վերաբերյալ գործով
15.01.2020թ. կայացված ԱՖ204361 որոշումն անփոփոխ, իսկ վարչական բողոքն առանց
բավարարման թողնելու մասին

<<16>> 03 2020թ. 7-13 2835

ք.Երևան

Ճանապարհային ոստիկանության պետ, ոստիկանության գնդապետ Ե.Կարապետյանս,
վերանայելով Արթուր Խաչատրյանի ՄԴ/8633-20 դիմումի քննարկման արդյունքում ստեղծված
նյութերը՝

Պ Ա Ր Զ Ե Ց Ի

Երևան քաղաքի Ա.Տիգրանյան փողոցի 38 շենքի 48 բնակարանի բնակիչ Արթուր
Խաչատրյանը դիմումով խնդրել է բեկանել Ճանապարհային ոստիկանության վարչական
իրավախախտման վերաբերյալ գործով 15.01.2020թ. կայացված ԱՖ204361 որոշումը՝ նշելով,
որ համաձայն չէ որոշմամբ արձանագրված իրավախախտման հետ:

Դիմումում նշված հանգամանքների շուրջ պարզաբանումներ տալու նպատակով
քաղաքացի Արթուր Խաչատրյանը հրավիրվել է վարչական բողոքի քննությանը մասնակցելու
համար, սակայն չի ներկայացել, ուստի Վարչական իրավախախտումների վերաբերյալ ՀՀ
օրենսգրքի 267-րդ հոդվածի 1-ին մասի համաձայն՝ գործը քննվել է վերջինիս
բացակայությամբ:

Դիմումի քննարկման արդյունքում պարզվել է, որ վարչական իրավախախտման
վերաբերյալ գործով 15.01.2020թ. կայացված ԱՖ204361 որոշումը ենթակա է կատարման
հետևյալ պատճառաբանությամբ.

Վարչական իրավախախտումների վերաբերյալ ՀՀ օրենսգրքի 124-րդ հոդվածի 11-րդ մասի
համաձայն՝ տրանսպորտային միջոցների վարորդների (բացառությամբ ծառայողական
առաջադրանքներ կատարող, օպերատիվ ծառայությունների տրանսպորտային միջոցների
վարորդների) կողմից թեկուզ մեկ ձեռքի օգտագործմամբ ընթացքի ժամանակ ռադիոկապից և
(կամ) հեռախոսակապից օգտվելն՝ առաջացնում է տուգանքի նշանակում՝ սահմանված
նվազագույն աշխատավարձի տասնապատիկի չափով:

Ռեսուրսասիրությամբ պարզվել է, որ 15.01.2020թ. ժամը՝ 12:00-ի սահմաններում Երևան
քաղաքի Բաղրամյան պողոտայում քաղաքացի Արթուր Խաչատրյանի վարած <<OPEL>>
մակնիշի 34PR961 հաշվառման համարանիշի ավտոմոբիլը կանգնեցվել է Ճանապարհային
ոստիկանության ՃՈ ուղեկցող սպայական վաշտի 2-րդ սպայական դասակի տեսուչ,
ոստիկանության կապիտան Գ.Մադոյանի կողմից <<Ճանապարհային երթևեկության
անվտանգության ապահովման մասին>> օրենքի 24-րդ հոդվածի 7-րդ մասի <<զ>> կետի
խախտման համար, այն է՝ վարորդն ավտոմոբիլը վարելու ընթացքում օգտվել է
հեռախոսակապից՝ ձեռքի օգնությամբ: Վարորդի նկատմամբ կազմվել է վարչական
իրավախախտման վերաբերյալ արձանագրություն և համաձայն Վարչական
իրավախախտումների վերաբերյալ ՀՀ օրենսգրքի 124-րդ հոդվածի 11-րդ մասի, կայացվել է
ԱՖ204361 որոշումը:

Ճանապարհային ոստիկանության ծառայողի կողմից տրված պարզաբանման համաձայն՝
քաղաքացի Արթուր Խաչատրյանի կողմից կատարված իրավախախտումը հիմնավորող
տեխնիկական միջոցների կիրառմամբ ձեռք բերված ապացույցներ առկա չեն, սակայն
իրավախախտումն եղել է անմիջապես իր տեսադաշտում, ակնհայտ և պարզ տեսանելի, ինչի

կապակցությամբ կազմվել է համապատասխան արձանագրություն և կայացվել ԱՖ204361 որոշումը: Միաժամանակ ոստիկանության ծառայողը հայտնել է, որ իր և վարորդի միջև ծառայողական բնույթի խոսակցություններից բացի այլ խոսակցություններ չեն եղել:

Համաձայն <<Ճանապարհային երթևեկության անվտանգության ապահովման մասին>> օրենքի 17-րդ հոդվածի՝ Ճանապարհային ոստիկանության ծառայողը պարտավոր է տրանսպորտային միջոցը կանգնեցնել, եթե ակնհայտ կամ տեխնիկական միջոցների օգտագործմամբ երևում է, որ վարորդը խախտել է ճանապարհային երթևեկության կանոնների պահանջները: Նույն հոդվածի 8-րդ մասի համաձայն՝ երթևեկության սահմանված արագության գերազանցման և տրանսպորտային միջոցների ապակիների լուսաթափանցելիության սահմանված չափի խախտումների համար պատասխանատվություն է առաջացնում, երբ տվյալ խախտումը փաստարկված է համապատասխան տեխնիկական միջոցների կիրառմամբ:

Այսպիսով, դիմումատուի արարքում առկա է Վարչական իրավախախտումների վերաբերյալ ՀՀ օրենսգրքի 124-րդ հոդվածի 11-րդ մասով նախատեսված իրավախախտման զանցակազմը, ուստի, ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական իրավախախտման վերաբերյալ գործով 15.01.2020թ. կայացված ԱՖ204361 որոշումը թողել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:
3. Սույն որոշման օրինակն ուղարկել Արթուր Խաչատրյանին և Ճանապարհային ոստիկանության ուղեկցող սպայական վաշտ:



Ե. Կարապետյան